

**HORNIDURAKO ZERBITZUAK USTIATZEN DITUZTEN ENPRESEK HIRIKO JABARI PUBLIKOKO
LURZORU, LURGAIN ETA ZORUPEAREN APROBETXAMENDU BEREZIENGATIK ORDAINDU
BEHARREKO TASAK ERREGULATZEN DITUEN ORDENANTZA FISKALA**

21. ordenantza

Oinarria

1. artikulua.- Ordainarazpen hau ezartzen da Nafarroako Toki Ogasunei buruzko martxoaren 10eko 2/1995 Legearen lehen tituluko IV. kapituluko 7. atalean xedatutakoari jarraikiz eta haren 12. artikuluan jasotako baimenaren babesean.

Zerga-egitatea

2. artikulua.- Zerga-egitatea da hiriko jabari publikoko lurzoru, lurgain eta zorupearen erabilera pribatiboa edo aprobetxamendu berezia, hari, hodi eta galerien bidez egindakoa –argindarra, ura, gasa edo beste edozein fluido, telefonia finkoa eta komunikazio elektronikoko beste zerbitzuak bideratzeko–, barne hartuta hauen bitartez egindakoa: lineetarako paldoak, kableak, horma-beso, lotura-, banaketa- edo erregistro-kaxak, transformadoreak, errailak, baskulak, antenak eta salmenta automatikorako tresnak zein kasuan kasuko zerbitzua emateari lotuta egon eta gisa horretakoak diren beste batzuk.

Ordenantza honek arautzen duen tasa ordaintzeak espresuki dakar berekin beste ordenantzetan arautu eta hiriko jabari publikoko lurzoru, lurgain eta zorupearen erabilera pribatiboak edo aprobetxamendu bereziak sortutako beste tasak ordaintzetik salbuestea, erabilera edo aprobetxamendu horiek hornidura-zerbitzuak emateko beharrezkoak diren kasuetan.

Aurrekoa gorabehera, tasa hau bateragarri izanen da toki-eskumeneko zerbitzuak eman edo jarduerak egiteagatik ezar daitezkeen beste tasekin, non aipatu enpresek haien subjektu pasiboak izan beharko baitute.

Zerga ordaintzeko betebeharra

3. artikulua.- Tasa urtarilaren 1ean sortuko da urtero, eta zergaldiak urte naturala hartuko du, salbu erabilera pribatiboa edo erabilera berezia urtea hasita edo bukatu baino lehen egiten den kasuetan. Orduan, zergaldia horren arabera moldatuko da.

Subjektu pasiboak

4.- artikulua.- 1) Hona zergadun gisara tasa ordaintzera beharturik daudenak: uraren, gasaren, elektrizitatearen eta telekomunikazioen hornidura-zerbitzuak zein horien antzeko beste edozein zerbitzu ustiatzeko hiriko jabari publikoko lurzoru, lurgaina eta zorupea modu pribatiboan erabili edo era berezian aprobetxatzen dituzten enpresa ustiatzaileak, betiere aipatu zerbitzu horiek interes orokorrekoak badira edo biztanleak oro edo horietako anitz ukitzen badituzte.

Zerbitzu horiek ustiatzen dituzten enpresatzat joko dira zerbitzu horiek banatzen eta merkaturatzen dituzten enpresak.

2) Tasa kuantifikatzeko araubide berezia aplikatzeko zaie enpresei, bai hornidurak egiteko erabiltzen diren sareen titularrak badira, bai, sare horien titular izan gabe ere, sare horien erabilera-, sarbide- edo interkonexio-eskubideak badituzte.

3) Telefonia mugikorreko zerbitzuak ez dira sartuko tasa kuantifikatzeko araubide berezian.

Oinarria, tasak eta tarifak

5. artikulua.- 1) Kuota kalkulatzeko tasa aplikatzeko oinarria subjektu pasiboek udal-mugartean urtean lortutako fakturazioak eragindako diru-sarrera gordinen arabera zehaztuko da.

2) Fakturazioak eragindako diru-sarrera gordintzat jotzen dira entitate batek lortuak direnak Udal honen mugapean emandako zerbitzuen truke, betiere entitateari egotz dakizkiolarik.

3) Ondorio horietarako, ez dira diru-sarrera gordintzat joko ez emandako zerbitzuak zergapetzen dituzten zeharkako zergak, ez hirugarrenen kontura kobratutako kopuruak, baldin eta ez badira tasa kuantifikatzeko araubide berezi hau aplikatzen zaion entitatearen diru-sarrera propio bat. Halaber, ez dira joko fakturazioak eragindako diru-sarrera gordintzat Ekonomia Ministerioaren Energia Elektrikoa Ekoizteko Instalazioen Administrazio Erregistroko 1. edo 2. ataletan inskribaturik dauden instalazioetan erabili beharreko hornidura-zerbitzuen truke eskuratutako diru-kopuruak, betiere zerbitzu horiek inskribaturik badaude araubide berezi honen arabera zergagarritzat jo daitezkeen energia sortzeko lehengai beharrezko gisara.

4) Hornidurak egiteko besteren sareak erabiltzen dituzten enpresek fakturazioaren diru-sarrera gordinetatik kenduko dituzte beste enpresa batzuei beren sareetarako sarbideagatik edo interkonexioagatik ordaindutako kopuruak. Sare horien titular diren enpresek kontzeptu horrengatik jasotako zenbatekoak beren fakturazio-sarrera gordinen artean zenbatu beharko dituzte.

5) Honako hauek ez dira jotzen fakturazioak eragindako diru-sarrera gordintzat:

- a) Enpresek jasotako dirulaguntzak, ustiapeneoak zein kapitalekoak.
- b) Kalte eta galerengatik galdatutako kalte-ordainak, salbu horiek konpentsazioa edo kontraprestazioa badira, 4. apartatuan zehaztutako diru-sarreraren artean sartu behar diren kobratu gabeko kopuruengatik.
- c) Finantzazko diru-sarrerak, hala nola interesak, dibidenduak eta tankera horretako beste hainbat.
- d) Enpresek beren ibilgeturako egiten dituzten lanak.
- e) Enpresen ondarearen parte diren ondasunak eta eskubideak besterentzetik datozen kopuruak.

6) Araubide berezi hau aplikatzearen ondoriozko zenbatekoa ezin izanen zaie jasanarazi hornidura-zerbitzuen erabiltzaileei.

7) Hemen araututako tasak bateragarriak dira tokiko eskumeneko zerbitzuak emateagatik edo jarduerak egiteagatik ezartzen ahal diren beste tasa batzuekin, baldin eta enpresa ustiatzaileak subjektu pasiboak izan behar badira. Tasa hau ordaintzeagatik Udalaren bide publikoetako lurzoru, lurgain eta zorupearen erabilera pribatiboak edo aprobetxamendu bereziak sortutako beste tasa batzuk ordaintzetik salbuetsita geratzen da.

6. artikulua.- Tasaren zenbatekoa zedarritzen da aurreko artikuluan zehaztutako zerga-oinarriari % 1,5 aplikatuta.

Kudeaketa-arauak

7. artikulua.- Hornidura-zerbitzuen ustiatzaile izan eta erabilera pribatiboa edo aprobetxamendu berezia egin behar duten enpresek aurretik eman beharko dute horren berri, eta kasuan kasuko zerbitzua emateko gaitzen dituen tituluaren jabe izan behar dute.

Erabilera edo aprobetxamendu hori egin ahal izateko obrarik egin behar badute, enpresek behar den obra-lizentzia eskatu beharko dute.

8. artikulua.- Erabilera pribatiboek edo aprobetxamendu bereziek udal-ondasun edo udal-instalazioen suntsiketa edo narriadura ekartzen badute berekin, onuradunek –egokitzen ahal zaien tasaren ordainketa ezertan galarazi gabe– aipatu horiek guztiak berreraiki edo konpontzeko gastuen kostua ordaindu beharko dute, bai eta zenbateko hori aurretik gordailu gisa utzi ere.

Gordailu hori finkatuko da ukituta gerta daitezkeen ondasun eta instalazio guztien balioaren arabera, eta aurretik udal-teknikari batek txostena emanen du haien zenbakietara ekartzeko.

Enpresek aprobetxamenduak nola edo halako jarraitutasun eta aldizkakotasun batez egiten badituzte –hiriko leku desberdinetan izanda ere–, gordailu orokor bat eratzea ituntzen ahalko da kudeaketa administratiboa errazte aldera, zeina eskudirutan ordaintzen ahalko baita, edo kreditu entitate batek edo elkarren bermerako sozietate batek emandako abal zein fidantza solidario bidez. Gordailu hori itunean bertan ezarritako aldietan berrikusiko da, eta aipatu aldietako aprobetxamenduek ustez eragindako kalteen arabera zenbatuko.

Gordailua indarra duten arauak edo lizentziaren baldintzak hausteagatik izan daitezkeen zehapenei lotzen ahalko zaie. Fidantza berreskuratu ahal izateko, horren aldeko txostena eman beharko da, non egiaztatuko baita indarra duten arauak eta lizentzia hartzeko baldintzak hertsiki bete eta lurzoru behar bezala konpondu dela.

9. artikulua.- 1) Hornidurako zerbitzuak ustiatzeagatik subjektu pasiboak diren enpresek hiru hilez behin aurkeztu beharko dute udal-mugartean erdietsitako diru-sarrera gordinen gaineko aitorpena.

2) Aitorpena aurkeztearekin batera, ordaindu beharra duten enpresek dagokien tasa autolikidatu beharko dute, aitorpenaren xedea zer hiruhilekori egokitu eta hurrengo hilabetearen epean, eta ordainketa Udaleko Diruzaintzan egin, entitate kolaboratzaile baten bitartez edo tasa kudeatzeko Iruñeko Udala zein hitzarmeni atxiki eta horietan aurreikusitako eran eta epeetan.

3) Enpresa horiekien hitzarmenak sinatuta, aitorpenak aurkezteko epe laburragoak eta konpentsazio bidezko ordainketak egiteko formulak ezartzen ahalko dira, Udalari emandako zerbitzu edo egindako hornidurengatik eskatzekoak diren zorretan.

4) Iruñeko Udala atxikitzen ahalko zaie Nafarroako Udal eta Kontzejuen Federazioak tasa honen subjektu pasiboak diren enpresekin sinatutako hitzarmenei, betiere haien helburua tasaren kudeaketa eta diru-bilketa erraztea bada.

10. artikulua.- Aitorpen-likidazioa aurkezteko edo tasa epean ordaintzeko betebeharra ez betetzeak berekin ekarriko du garaian ordaindu ez izanak eragindako errekarguak galdatzea, edo premiamendu bidezko prozedura, bai eta ikuskapen-prozedurak abiatzea eta, behar izatera, kasuan kasuko zehapena ezartzea ere, Tributuei buruzko Foru Lege Orokorrean eta Kudeaketarako, Diru-bilketarako eta Ikuskapenerako Ordenantza Fiskalean ezarritakoarekin bat.